



Ūtethyo Kuma Ĩũlũ

Kĩandĩkĩtwe nĩ
Watson Goodman

Nĩyamana—
Tikyakũthoosya

“ŪTETHYO KUMA ĪŪLŪ” nĩ ũkolany’o wa mĩsoa ĩla ĩthengeanĩe ya maandĩko kwa momanyisyo kuma ilungunĩ syĩ kĩvathũkan’yo sya Mbivilia. Nĩ ngũĩkĩĩa kĩkĩĩthya kĩseo kya maandĩko nĩ Mbivilia mwene.

“Ndeto ya Ngai yũkaa kuma ĩũlũ” na nĩ ũtethyo mũnene wa ngoo ĩla syĩna nzaa na waoni wa Ūlũngalu. Yĩla mũndũ waumbũla, na kũlwa nĩ naĩ, na kũmũthokya Mwĩaĩ Yesũ Klisto ekale ngoonĩ yake, na kũĩkĩĩa na ngoo yonthe nthĩnĩ wa Mwĩaĩ Yesũ Klisto ta mwovosya Mwĩaĩ akeyonan’ya kwake mwene na Kũete Ūtanu na mũuo ngoonĩ ya Mwĩtikĩli. Namanyie ũu mwakanĩ wa 1937 na ndaatũla wĩw’ano ũũ wa ũsengyo na mwĩaĩ kuma Īvinda yĩu. Nĩũkũlya we wĩnengane kwake ta mwovosya waku na mwĩaĩ oyu, ethĩwa ndwaaĩka ou vau mbeenĩ.

— Watson Goodman (1920-2002)

Yoana 3:16

Nündũ Ngai nĩwendete nthĩ, nĩwanenganie Mwana wake e ũmwe, nĩ kana o ũla ũmwĩtikĩlaa ndakae, indĩ ethĩwe na thayũ ũtathela.

Yoana 13:1

Na mboka ya vasaka itanavika, Yesũ nĩwesĩ kana saa wake nĩ mũviku aume kũũ nthĩ athi kwa Asa, na kwa kwĩthĩwa nĩwame-ndie ala make me kũũ nthĩ, am-ndie kũvika mũminũkĩlyo.

Ūvuan'yo 1:5

Na kuma kwa Yesũ Klĩsto, ngũsĩ yĩ kĩthito, na mũsyawa

wa mbee wa akw'ũ, na mũnene wa asumbĩ ma nthĩ. Kwa ũsu ũtwendete, na kũtũthasya na nthakame yake tume nainĩ sitũ.

1 Yoana 4:8, 9

Ūla ũtendanaa ndamwĩsĩ Ngai; nündũ Ngai nĩ wendo. Ūndũnĩ ũũ wendo wa Ngai nĩwonanĩtw'e kwitũ, nündũ Ngai nĩwamũtũmie Mwana wake kũũ nthĩ, ũla wasyaiwe e ũmwe, nĩ kana twĩthĩwe na thayũ kwondũ wake.

Alomi 5:8

Indĩ Ngai nĩwonanisye wendo wake mwene kwitũ, atĩ yĩla twaĩ athe, Klĩsto akw'a kwondũ witũ.

Yoana 14:9, 10a

Yesū amwīa, Nai vamwe ne-nyu ivinda yīu yonthe, na ndūmbīsī, Vilivu? ūla wambonie nī-wamwonie Asa; wīasya ata indī, Twon'ye Asa? Ndwītikīlite kana nyie nī nthīnī wa Asa, na Asa e nthīnī wakwa? . . .

Mathayo 1:22, 23

Na ūu w'onthe ūtw'ikīte, nī kana wīaniw'e ūla waneeniwe nī Mwīaīi na kanyw'a wa mwathani, akyasya, Sisya, mwīitu ake-thīwa e ivu, na akasyaa kavīsī, Nako syītwa yako makaketa I-manueli; na ūalyūlo wayo nī, Ngai vamwe naitū.

Yoana 1:1 na 14

Mwambīlilyonī kwaī Ndeto, na īla Ndeto yaī vamwe na Ngai, na īla Ndeto yaī Ngai. . . Na ī-la Ndeto yatw'ika mwīī na ya-tūa katī waitū (na ithyī twoona ūtheu mūtisu wake, ūtheu mūtisu ta wa ūla wasyaiwe weka auma kwa Asa), ausūite mumo na w'o.

1 Timotheo 3:16

Na vate ngananio nzama ya kūmūkīa Ngai nī nene; We ūla wonaniw'e e na mwīī, Atalīlwa ūlūngalu vevanī, Ooneka nī alaīka, Atavanw'a kwa Andū-mambaī-ingī, Eetīkīlwa kūū nthī, Atwawa iūlū ūtheunī mūtisu.

1 Yoana 4:15

O ūla wumbūlaa kana Yesū nī Mwana wa Ngai, Ngai nūtwie nthīnī wake, nake atwīe nthīnī wa Ngai.

Akolosai 2:9

Nūndū wianīu w'onthe wa Ū-Ngai ūtwīe nthīnī wake e o na mwīi.

Mathayo 8:29

Na sisya, makaya, makyasya, Ithyī twī ūndū naku wa kī, we Mwana wa Ngai? Nīwooka vaa kūtūthīn'ya ivinda yīte iviku?

Luka 1:35

Na mūlaika amūsūngīa, amwīa, Veva Mūtheu akooka iū-

lū waku, na vinya wa Ūla Wī Iū-lū wa Onthe akakwīkia muunyi: kwondū wa ūu kīla kītheu kisya-wa kīketawa Mwana wa Ngai.

Yoana 10:36, 37

Mwīneenea ūla wavathaniw'e na watūmiwe kūū nthī nī Ithe, Nūkūumana; nūndū nīnaisye, Nī Mwana wa Ngai? Ethīwa ndyī-kaa mawīa ma Asa wakwa, mūi-kambītīkīle.

Mathayo 17:5

Akīneena, sisya, ithweo itisūku yamekīa muunyi: na sisya, wasya wauma ithweonī, ūkyasya, Ūū nī-we Mwana wakwa mwendwa, ūla nendeew'e nīwe; mwīw'ei we.

Yoana 11:25

Yesū amwīa, Ninyie ūthayūū-
kyo, na ninyie thayū: ūla ūmbītī-
kīlaa, o na ethīwa nūnūūkw'a, a-
keethīwa na thayū.

Yoana 13:13

Inyw'ī mwīmbīta, Mūmanyī-
sya, na Mwīaīi: na mwīasya nesa;
nūndū nīw'o ninyie.

Yoana 8:23

Na amea, Inyw'ī mwī ma ī-
theo; nyie nī wa īlū: inyw'ī mwī
ma nthī īno; nyie ndi wa nthī
īno.

Yoana 4:25, 26

Ūla mūndū mūka amwīa, Nī-
nīsī kana Masia nīwūkīte (ūla

wītawa Klīsto): nake ooka, aka-
tūtavya maūndū onthe. Yesū a-
mwīa, Ninyie we ūla ūnūūneena
naku.

Yoana 10:7

Na īndī Yesū amea īngī,
Nī w'o, nī w'o, nīngūmwīa, Nyie,
ninyie mūomo wa malondu.

Yoana 8:58

Yesū amatavya, Nī w'o, nī
w'o, nīngūmwīa, Nī kw'o naī,
Avalaamu atanamba ūsyawa.

Yoana 6:35

Yesū amea, Nyie, ninyie kīmū-
tū kya thayū: ūla wūkaa kwakwa
ndakew'a nzaa, na ūla ūmbītī-
kīlaa ndakew'a waūni o na īndīi.

Mathayo 20:30 na 34

Na sisya, andu elī ililinda mekalite ūtee wa nzīa, nao meew'a kana Yesū nūvītite, maneena na mawasya manene, makyasya, Mwīaīi, twīw'ie tei, we mwana wa Ndaviti. . . Na Yesū, nūndū wa kūmew'ia tei, amakiita metho; na oyu manengwa kwona, na mamūatīia.

Luka 5:4-6

Na amina ūneena, amwīa Simoni, Twaa ngalawa vala ve kyūngū, mūlikye itei syenyu nī kana mūkwatye. Na Simoni amūsūngia, amwīa, Mwīaīi, tūte-thisyē wīa ūtukū w'onthe, na tūi-

nakwatya kīndū: īndī ūndū wa ndeto syaku nīngūlikya itei. Na meeka ūu, makwatya makūyū maingī; na itei syoo syambīlilya kūt'w'ikanga.

Mathayo 14:19-21

Na ameaīa makomano mekale nthī nyekinī; na oosa ila imūtū itano na ala makūyū elī, na ang'e-lela itunī, aiathima, na aitolanga, na anenga amanyīw'a make ila imūtū, na amanyīw'a manenga makomano. Na onthe maya, mavūna: na moosa ūtialo wa ilungu isu ndile, ikavū ikūmi na ilī syausūa. Na ala maīe maī andū ta ngili itano, eka aka na syana.

Alomi 14:9

Nūndū kwondū wa ūu Klīsto nīwakwie na eethīwa thayū ingī, nī kana ethīwe Mwīaī wa ala akw'ū na wa ala me thayū.

Aevelania 1:2

Ngai. . . Mūminūkīlyo wa mīthenya ĩno nūneenete naitū nthīnī wa Mwana wake, ūla wamwiie ethīwe mūtīiwa wa syīndū syonthe, na kwondū wake oombie nthī syonthe.

Akolosai 1:16

Nīkwīthīwanthīnī wake syīndū syonthe nīsyoombiwe, sya ĩtunī na sya kūū nthī, syīndū ila syo-

nekaa na ila itonekaa, ethīwa nī ivīla sya ūsumbī, o na mosumbī, o na monene, o na mokūmū; syīndū syonthe nīsyoombiwe nīwe, syīthīwe syake.

Yoana 1:3

Syīndū syonthe nīsyatw'īkīthiw'e nīwe; na ate vo vati kīndū o na kīmwe kyaatw'īkīthw'a katī wa ila syatw'īkīthiw'e.

Meko ma Atūmwa 2:36

Kwondū wa ūu nyūmba yonthe ya Isilaeli ĩmanyē vyū, kana Yesū ūsu ūla inyw'ī mwamwambie, Ngai nūmūt'ite ethīwe Mwīaī, na ingī ethīwe Klīsto.

Mathayo 25:32

Na mbee wake nikomban'wa mbaĩ syonthe: nake nūkamavathan'ya aa na aya, tondū mūithi ūvathanasya malondu na mbūi.

Yoana 5:22

Nūndū Īthe ndasililaa mūndū, ĩndĩ anengete Mwana ūsili w'onthe.

Meko ma Atūmwa 10:42

Nake atwīaīe tūtavan'ye kwa andū, na kūneena ūkūsī kana ūsu nīwe wiitwe nī Ngai ethīwe Mūsili wa ala me thayū na wa ala akw'ū.

Alomi 2:16

Mūthenya ūla Ngai ūkasilila syĩmbithĩ sya andū, kwa nzĩa ya Yesū Klīsto, kwīanana na ūvoo mūseo wakwa.

2 Timotheo 4:1

Nīkwīaīa mbee wa Ngai, na mbee wa Klīsto Yesū, ūla ūkasilila ala me thayū na ala akw'ū, o na ĩngĩ ūndū wa kumila kwake na ūsumbĩ wake.

Alomi 14:10

Īndĩ we, wīsilila mwana-a-au nūndū wa ki? wana ĩngĩ we, wīvūthīsyā mwana-a-au kī? nūndū ithyonthe tūkaūngama mbee wa kīvīla kya sila kya Ngai.

Alomi 3:24

Nĩ kũtalilwa ūlũngalu mana nĩ mumo wake kwondũ wa wovosyo ūla wĩ nthĩnĩ wa Klĩsto Yesũ.

Yoana 14:6

Yesũ amwĩa, Nyie, ninyie nzĩa, na ninyie w'o, na ninyie thayũ: vai mũndũ wũkaa kwa Asa, ate-sĩle kwakwa.

Yoana 8:24

Nũndũ wa ūu namwĩa, kana mũkawk'a nainĩ syenyu: nũndũ mwalea kwĩfĩkĩla kana ninyie we, mũkawk'a naini syenyu.

Meko ma Atũmwa 4:12

O na kũti ūtangĩĩo kwa ūngĩ o na wĩva w'onthe: nũndũ kũti syĩ-

twā yĩngĩ ĩtheo wa ĩtu, yĩnenge-twe andũ, yĩtwaĩle ithyĩ kũta-ngĩĩwa nayo.

Aevelania 7:25

Kwondũ wa ūu nake nũtonya kũmatangĩĩa vyũ ala mamũthengeeaa Ngai mavĩfĩle kwake, nũndũ e thayũ mũthenya yonthe kũmavoyeaa.

Aevelania 5:9

Na eanĩw'a, atw'ĩka mwambĩlĩlya wa ūtangĩĩo wa tene na tene kwa onthe ala mamwĩw'aa.

Yoana 10:9

Nyie, ninyie mũomo; ūla ū-nũũvotela vala nĩ, ūsu akatangĩĩ-wa, na akavota nthĩnĩ na akau-maala, na akoona kya ūya.

Luka 19:10

Nūndū Mwana wa mūdū nī-
wokie kūmantha na kūtangīa
kīla kyaaie.

1 Akolintho 1:30

Indī nūdū wake inyw'ī mū-
nengetwe kwīthīwa nthīnī wa
Klīsto Yesū, ūla ūtw'itwe kwitū
ūī ūla wumaa kwa Ngai, na ūlū-
ngalu, na kūvathan'wa, na wo-
vosyo.

Akolosai 1:12-14

Mūkīmūtūngīa Asa mūvea, ūla
watūtwe aīlu twīthīwe osi ma ū-
tīwa wa atheu nthīnī wa kyeni;
ūla watūtangīe kuma vinyanī
wa kīvindu na kūtūthamya na
kūtūlikya ūsumbīnī wa Mwana

wake mwendwa; nake nthīnī wa-
ke twī na wovosyo witū, ūekeo
wa naī sitū.

Tito 2:14

Ūla wenenganie mwene kwo-
ndū witū, nī kana atwovosye kū-
tumya mothūkunī onthe, na kwī-
theesya andū methīwe make
mwene, me na ūthangaau mawīa-
nī ala maseo.

Ūvuan'yo 5:9

Nao meina wathi weū, makya-
sya, Nīwaīle we kwosa yīla īvu-
ku, na kumbūa mosiilo mayo: nī-
kwīthīwa nīwooaiwe, na kūmū-
thoea Ngai na nthakame yaku
andū ma kīla mbaī, na kīthyomo,
na ūko, na mīthemba.

10 KUVWIKWA KWA NAI NIKWA NTHAKAME YA YESU

Aeveso 1:7

Nake nthini wake twi na wovosyo witu kwondū wa nthakame yake, ūkeo, wa mavityo mitū, kwianana na ūthwii wa mumo wake.

1 Yoana 1:7

Indi ethiwa tūendaa na kyeni, tondū we wi kyenini, twi na mūamba ene kwa ene, na nthakame ya Yesu Mwana wake nitutheasya nai syonthe.

1 Vetelo 1:18, 19

Mukimanya kana nimwoovoiwe mume mwikalileni wenyu wa mana ūla mwoosie kuma kwa aaūmae menyū, na mūiaaovow'a na syindū ila syanangikaa, ta ve-

tha kana thaavu; indi mwovoe-tw'e na nthakame yi vata mūno, ta ya katena ka ilondu kate kawathe kana kaundū nongi, nayo ni nthakame ya Klīsto.

Alomi 5:9

Indi mbee mūno, yu tūtalilwe ūlūngalu nūndū wa nthakame yake, tūkatangīwa niwe kuma ūthatunī wa Ngai.

Aevelania 9:14

Ni mbee veana ata nthakame ya Klīsto, ūla kwondū wa Veva wa tene na tene wenenganie mwene kwa Ngai ate kiema, kūtheasya wasya wa ngoo wenyu mume mawiani makwu mūthūkūme Ngai ūla wi thayū?

Akalatia 5:6

Nundū nthini wa Klīsto Yesū kwaikwa kūiaīlya ūndū, kana kūlea kwaikwa; indī mūikiho ūla ūtethasya wīa kwondū wa wendo.

1 Yoana 5:4

Nundū o kīla kīsyaitwe nī Ngai nīkīkīlasya nthī vinya: na kīla kīkīlasya nthī vinya, nī mūikiho witū.

Aeveso 2:8, 9

Nundū nīmūtangīitwe na mumo kwondū wa mūikiho; naw'o ndumite kwa inyw'i ene, nī mūthinzio wa Ngai; ti ūndū wa meko, kana kūikethiwe mūdū o na wīva kwīkathīia.

Yoana 20:31

Indī ii niandikitwe, nī kana mwitīkīle atī Yesū nīwe Klīsto, Mwana wa Ngai; na ūndū wa kwitīkīla kwenyu mwithiwe na thayū syitwanī yake.

Alomi 5:1

Indī twatalilwa ūlūngalu nūdū wa mūikiho, twī an mūuo na Ngai kwondū wa Mwīaīi waitū Yesū Klīsto.

Yoana 6:28, 29

Na kwondū wa ūu mamwīa, Twīika ata indī, kana twīkae ma-wīa ma Ngai? Yesū amasūngīa, amea, Ūū niw'o wīa wa Ngai, mūmwitīkīle ūla watūmiwe nīwe.

Aevelania 4:16

Nītūthengeee īndī na ūkūmbaũ kīla kīvīla kya ūsumbī kya mumo, nī kana twose īnee, na kwona mumo wa kūtūtethya īvinda ya vata.

Mathayo 18:11-14

Nūdū Mwana wa mūdū nīwokie kūtangīia kīla kyaite. Mwīona ata? ethīwa mūdū o na wīva e na malondu īana, na yīmwe yamo yīkyaa, ndeūtia ala mīongo kenda na kenda, na akīthi iīmanī kūmantha yīla yau? Na ethīwa nūnūyona, nī w'o nīngūmwīa, nūnūyītania yīu mbee wa ala mīongo kenda na kenda

mate mau. No ta ūu ti kwenda kwa Īthe wenyu ūla wī ĩtunī, kamwe ka tūū tūnini kae.

1 Vetelo 1:3

Nakathwe Ngai, Īthe wa Mwīaīi waitū Yesū Klīsto, ūla kwīanana na tei wake mwingī watūsyaie īngī twīthīwe na wīkwatyo wī thayū kwondū wa kūthayūūka kwa Yesū Klīsto kuma akw'ūnī.

Tito 3:5

Ti kwondū wa meko ma ūlūngalu, ala ithyī tweekie, īndī kwīanana na tei wake nīwatūtangīie, kwondū wa kūthambw'a kwa kūsyaawa īngī, na kūtwh'īkīthw'a eū nī Veva Mūtheu.

Mathayo 11:28

Ūkai kwakwa, inyw'onthe ala mŭthĩnĩaa wĩa na ala mwĩ na mĩio mĩito, nakwa ngamŭthũmŭsya.

Ūvuan'yo 22:17

Na Veva na mŭtwawa measya, Ūka. Na ũla wĩw'aa nĩasye, Ūka. Na ũla wĩ na waũni, nĩoke: o ũla ũnŭkwenda, nĩose manzĩ ma thayũ mana.

Yoana 7:37

Na ĩndĩ mŭthenya wa kŭmina, mŭthenya ũla mŭnene wa mboka, Yesũ aũngama na aneena na wasya mŭnene, akasya, Ethĩwa mŭ-

ndũ o na wĩva e na waũni, nĩoke kwakwa anyw'e.

2 Akolintho 5:20

Na ĩndĩno twĩ atŭmwa kwondũ wa Klĩsto, o ta Ngai ũnŭkwĩsũvanĩla kwitũ: nĩtũũmwĩsũva kwondũ wa Klĩsto, mwĩw'anĩthw'e na Ngai.

2 Timotheo 1:9

Ūla watŭtangĩie, na kŭtwĩta na wĩtano mŭtheu, ti kwĩanana na meko maitũ tondũ mailyĩ, ĩndĩ kwĩanana na kwenda kwake mwene na mumo ũla twanengiwe nthĩnĩ wa Klĩsto Yesũ mbee wa mavinda ma tene tene.

Avilivi 2:15

Nĩ kana mwĩthĩwe mũtailĩĩlĩka ũthũku na mwĩ auu, syana sya Ngai ite na ũndũ ũtaĩle katĩ wa ũsyao mũthũku na mũemu, na-w'o nthĩnĩ waw'o nĩmwonekaa ta syeni kũũ nthĩ.

1 Yoana 3:10

Ūndũnĩ ũũ syana sya Ngai ni-kwonanw'a, o na syana sya nde-vili: o mũndũ ũla ũtekaa ũlũnga-lu ti wa Ngai, o na ũla ũtamwe-ndaa mwana-a-ĩthe.

Alomi 8:14, 15

Nũndũ onthe ala matongoea-w'a nĩ Veva wa Ngai, asu nĩ o ana ma Ngai. Nũndũ mũiaaosa

veva wa ũkombo ĩngĩ ũetae w'ĩa; ĩndĩ nĩmwoosie veva wa kũtuwa ana, kwondũ wa ũu nĩtwĩkaĩlaa, tũkyasya, Nau, Asa.

Yoana 1:12

Īndĩ onthe ala mamwosie, ama-nenga ũkũmũ wa ũtw'ĩka syana sya Ngai, o ala metĩkĩlaa syĩtwa yake.

2 Akolintho 6:17, 18

Kwondũ wa ũu Umai katĩ woo, na mwĩthĩwe mwĩvathanĩte nao, eneena ũu Mwĩaĩi, Na mũikakii-te kĩndũ kĩvuku; Nakwa ngamwo-sa, Na ngeethĩwa ĩthe wenyu, Na inyw'ĩ mũkeethĩwa ana ma-kwa, aũme na eĩtu, eneena ũu Mwĩaĩi, Mwene Vinya W'onthe.

Luka 21:34

Indī īsūvīei, ngoo syenyu itike-
se kūemewa nī kūya mūno, na
ūthengi, na mawīmakīo ma tha-
yū ūū na mūthenya ūsu kūmūvi-
kīa na kīthūlūmūko ta kītei.

Luka 1:15

Nīkwīthīwa akethīwa e mūne-
ne methoni ma Mwīāī, na mbi-
nyu kana kīla kītoonasya ndaka-
nyw'a; o na kuma īvunī ya nyi-
nyia akeethīwa ausūītwe nī Veva
Mūtheu.

Akalatia 5:19-21

Na yu mawīa ma mwīī nī mo-
neku, nīmo aa: ūlaalai, ūvuku,
mīmeo mīthūku, kūthaitha mī-

vw'anano, ūoi, ūmaitha, īteta, kī-
wīu, mothilīku, ngananīo, ūtaa-
nīsyo, momanyīsyo ma ūvūngū,
mawendi, ūthengi, mboka itaile,
na maūndū angī mailyī ta asu;
kula kwī maūndū asu nīmūtaa
mbee, o ūndū namūtaie, kana
ala mekaa maūndū ta asu maika-
tūīwa ūsumbī wa Ngai.

Alomi 13:13, 14

Tūkinyae ūndū kwaile, ta twī
mūthenya; ti mbokanī itaile na
ūthenginī, ti mīmeonī mīthūku na
ūlaalainī, ti kūtetanī na kīwīunī.
Indī īvw'ikei Mwīāī Yesū Klīsto,
na ūndū wa mwīī, mūikese kū-
lilikana kwīka mawendi maw'o.

Aevelania 3:13

Indī taanai kīla mūdū na ūla ūngī mīthenya yonthe, o īvinda yīla yītawa Ūmūnthī; nī kana kūikethīwe ūmwe wenyu ūtw'ika mūmū kwondū wa ūke-ngani wa naī.

Aeveso 4:17-19

Na indī nīneena ūu, na kūkū-sīia nthīnī wa Mwīaīi, kana kuma yu inyw'ī mūikaende ūndū A-ndū-ma-mbaī-ingī maendaa, na ūtumanu wa ilīko syoo, nūdū ūmanyi woo nīwīkīitwe kīvindu, mavathītwe kūasa na thayū wa Ngai, nūdū wa kūlea kūmanya

kūla kwī nthīnī woo, nūdū wa wūmū wa ngoo syoo; nao mavī-tūkīte kwīw'a, meenenganie mī-meonī mīthūku, meke ūvuku w'onthe na wendi.

1 Timotheo 1:12, 13

Nīmūtūngīa mūvea ūla w-andonyethisye, nake nī Klīsto Yesū Mwīaīi waitū, nūdū nīwanda-lile kwīthīwa na kīthito akīndw'a wa kūmūthūkūma; o na kau na vu tene naī mūumi wa Ngai, na mūthīn'ya wa andū, na kūmeka naī: indī nīneew'īwe tei, nūdū nīneekie ndesī ndanamba kwī-tīkīla.

Aeveso 5:6

Mũndũ ndakamũkenge na ndeto sya mana: nũndũ kwondũ wa maũndũ aa ũthatu wa Ngai nũmokiãa ana ma ũlei.

Akalatia 6:7

Mũikakengeke; Ngai ndavũĩawa ngũĩ: nũndũ o kĩla mũndũ ũvuĩaa, nokyo ũkaketha.

Yakovo 1:22

İndĩ ithĩwai mwĩ eki ma ndeto, na ti ewi oka, mũkilenga ene.

1 Akolintho 6:9, 10

Kana mũtyĩsĩ kana ala mate na ũlũngalu matikatiĩwa ũsumbĩ wa Ngai? Mũikakengeke: eki ma naĩ na eĩtu, o na athaithi ma mĩ-

vw'anano, o na ilaalai, o na ala metusaa ta aka, o na ala meyiĩkaa naĩ na aũme, o na ing'ei, o na ala me na itomo, o na anywi, o na aumani, o na avutani, maikatiĩwa ũsumbĩ wa Ngai.

1 Yoana 3:7, 8a

Syana syakwa nini, mũiketikiĩle mũndũ amwasye: ũla wĩkaa ũlũngalu nĩ mũlũngalu, o ũndũ we nĩ mũlũngalu: ũla wĩkaa naĩ nĩ wa ndevili; nũndũ ndevili atwĩe ekaa naĩ kuma mwambĩlyonĩ.

Akalatia 6:3

Nũndũ ethĩwa mũndũ eĩtalĩlya kwĩthĩwa kĩndũ, nake ti kĩndũ, eĩkenga mwene.

Alomi 8:6

Nūndū kŭlilikana kwa mwĩ
nĩ kīkw'ū; ĩndĩ kŭlilikana kwa
Veva nĩ thayū na mūuo.

Alomi 5:12

Kwondū wa ūu, nūndū wa mū-
ndū ūmwe naĩ yalikile kŭũ nthĩ,
na kīkw'ū kwondū wa naĩ; na
kwa ūu kīkw'ū kyavikīa andū o-
nthe, nīkwĩthīwa onthe nīmeekie
naĩ.

Ūvuan'yo 21:8

Īndĩ ala makīaa, na ala matetī-
kīlaa, na ala mathatasya, na o-
aani, na ilaalai, na aoi, na athai-
thi ma mīvw'anano, na onthe ala
maneenaa ūvūngū, kīanda kyoo

kīkeethīwa ĩianĩ yīla yakanaa
mwaki na mūvilitī, nayo nĩ kī-
kw'ū kya kelī.

Yakovo 1:15

Na ĩndĩ ĩtomo yaya ĩvu, yīsyaa-
aa naĩ: na ĩla naĩ yeana, isyaaa
kīkw'ū.

Luka 15:32

Īndĩ nītwailitwe nĩ kūtana na
kwīw'a mūyo: nūndū mūinau ūũ
aĩ mukw'ū, na nīwathayūũka: aĩ
mwau, na nīwaumbūka.

Alomi 6:21

Mwaĩ na ūsyao mwaũ ĩvinda
yīu maūndūnĩ asu ala mūmew'ī-
aa nthoni yu? nūndū mūminūkī-
lyo wa maūndū asu nĩ kīkw'ū.

Ūvuan'yo 1:18

Na nĩ Ūla wĩ thayũ; nakwa naĩ mũkw'ũ, na sisya, nĩ thayũ kũvika tene na tene, na nĩ na mbungũo sya kĩkw'ũ na sya vala maveva ma akw'ũ mekalaa.

Luka 7:14, 15a

Na athengeea akiita mũseke-seke: na ala makuĩte maũngama. Nake asya, Mwanake, nĩngũũta-vya, Ūkĩla. Na ūla waĩ mũkw'ũ ekala nthĩ, na ambĩlilya ūneena. . .

Yoana 10:17, 18

Kwondũ wa ūu Asa nũmbendete, nũndũ nĩngwia thayũ wakwa nthĩ, nĩ kana nĩwose ĩngĩ. Vai mũndũ ūnũũmbena thayũ, ĩ-

ndĩ no nyie ngũwia nthĩ. Nĩ na ū-kũmũ wa kũwia nthĩ, na nĩ na ū-kũmũ wa kũwosa ĩngĩ. Mwĩao ūũ noosie kwa Asa wakwa.

1 Akolintho 15:25, 26

Nũndũ mũvaka asumbike e we, kũvkia yĩla ūkamaia amaitha make onthe ungu wa nyaĩ syake. Mũmaitha wa mũminũkĩlyo ūla ūkanangwa nĩ kĩkw'ũ.

Yoana 11:43, 44

Na aneena maũndũ asu, aneena na wasya mũnene, Lasalo, umaala. Ūla eĩ mũkw'ũ aumaala, alingĩlitwe ngũa ya mathiko maũũ na moko; na ūthyũ wake wovetwe na kĩtambaa. Yesũ ame, Mũthasyei, na mũekei athi.

Yoana 13:34

Nĩngũmũnenga mwĩao mweũ,
atĩ mwendane inyw'ĩ kwa inyw'ĩ;
o ũndũ namwendie, nenyu mwĩ-
thĩwe mũkyendana o w'o.

Maliko 10:17-21

Na akĩthi na nzĩa, mũndũ ũ-
mwe ooka vala ũĩ asembete, na a-
mũtulilya ndu, amũkũlya, Mũ-
manyĩsya mũseo, nĩke ũndũ wĩ-
va nĩ kana nĩthĩwe thayũ ũtathe-
la? Na Yesũ amũkũlya, Nĩkĩ
ũũmbĩta mũseo? kũĩ mũseo ate o
ũmwe, nake nĩ Ngai. Nũmĩsĩ ĩla
mĩao, Ndũkoe, Ndũkalaalae,
Ndũkoye, Ndũkaneene ũkũsĩ wa
ũvũngũ, Ndũkavutane, Taĩa au

na mwenyu. Nake amwĩa, Mũ-
manyĩsya, maũndũ asu onthe nĩ-
namakwatie kuma nĩ mũnini. Na
Yesũ aimũsisya amwenda, na a-
mwĩa, Ve ũndũ ũmwe ũtiele:
thi, ũkathoosye o ĩla wĩ nasyo, ũ-
nenge ngya, na ũkethĩwa na ũ-
thwii ĩtunĩ: na ĩndĩ ũkyũka, ũnga-
tĩe.

Mathayo 22:36-40

Mũmanyĩsya, mĩaonĩ, mwĩao
ũla mũnene nĩ wĩva? Na amwĩa,
Mwende Mwĩaii Ngai waku na
ngoo yaku yonthe, na thayũ wa-
ku w'onthe, na kĩlĩko kyaku kyo-
nthe. Ũu nĩw'o mwĩao ũla mũ-
nene na wa mbee. Na wa kelĩ

ũvw'anene naw'o, nĩw'o ũũ, Mwe-
nde mĩtũi waku o tondũ wĩye-

ndete. Mĩao ĩsu ĩlĩ nĩyũmbanĩye
ĩla mĩao yonthe na athani.

NDŪTONYA KWĪIVITHA KUMA VALA VE NGAI 21

Meko ma Atũmwa 17:24-28

Ngai ũla wombie nthĩ na syĩ-
ndũ syonthe ila syĩ vo, we, Mwĩ-
ĩi wa itũ na nthĩ, ndekalaa nyũ-
mbanĩ syakitwe na moko; o na
ndathũkũmawa nĩ moko ma a-
ndũ, ta wĩ na vata wa kĩndũ, nĩ-
kwithĩwa nĩwe ũnengae onthe
thayũ, na mĩthũmũ, na syĩndũ
syonthe; na oombie mbaĩ syo-
nthe sya andũ kuma mũndũnĩ
ũmwe, matũae ĩlũlũ wa nthĩ yo-
nthe, atw'ite mavinda moo ala
wambie ũtw'a, na mĩvaka ya ma-
wĩkalo moo; nĩ kana mamũma-

nthe Ngai, o na ethĩwa nĩmato-
nya ũmũmantha maimũvavata
mamwone, o na kau nde kũasa
na kĩla ũmwe waitũ: nũndũ twĩ
thayũ, na nĩtũũthi, na twĩ na
mwĩkalĩle witũ nthĩnĩ wake; o
tondũ atili amwe menyu ma mba-
thi maisye.

Aevelania 4:13

Na vai kĩndũ kyũmbe kĩtau-
mĩlite mbee wake: ĩndĩ syĩndũ
syonthe nĩ nthi na kumĩlw'a me-
thonĩ ma ũla wĩ na maũndũ
maitũ.

ÚSILÍLO WA TENE NA TENE KWA ALA MATAMWÍSÍ NGAI

Ūvuan'yo 20:15

Na ethīwa mūdū o na wīva alea kwoneka aandīkitwe ivukunī ya thayū, nīwekiw'e īianī ya mwaki.

Mathayo 13:41, 42

Mwana wa mūdū akatūma alaika make, nao makoomban'ya molulutikyo onthe maumw'e ūsumbīnī wake, na ala mekaa mothūku, na makamekya ikonī īnene yī mwaki: vo vakethīwa kīio na kūvevetan'ya maeo.

Mathayo 18:8

Na ethīwa kw'oko kwaku kana kūū kwaku nīkūūkūlulutikya, kūtile, wīkye kūasa naku: nī ū-

seo kwaku ūlike thayūnī na kīthu kya kw'oko kana kya kūū, kwī ūkīkw'a wī na moko elī kana maūū elī mwakinī wa tene na tene.

Mathayo 25:46

Na asu makathi makalika thīnanī wa tene na tene; īndī ala alūngalu makalika thayūnī ūthela.

2 Vetelo 3:7

Īndī matu ala me vo yu, na nthī, siīwe mwaki ūndū wa ndeto o īsu, ikīsūvīwa kūvika mūthenya wa ūsilīlo na kwanangwa kwa andū ala matamūkīaa Ngai.

Aevelania 9:27

Na o ūndū andū matw'īwe maiwe kūkw'a o īmwe, na ī-tina wa kūkw'a ūsilīlo.

Meko ma Atūmwa 17:31

Nīkwīthīwa nīwūite mūthenya ūla ūkasīlīla nthī yonthe na ū-lūngalu, kwa mūndū ūla wanyu-vie; nake amanengete andū o-nthe kūmanya, kwondū wa kū-mūthayūūkya kūmumya kwa a-akw'ū.

1 Yoana 4:17

Kwondū wa ūu wendo nī-wīanīw'e kwitū, nī kana twīi-thīwa na ūnyiau mūthenya wa ū-silīlo; nūndū ūndū ūilyī we nī-w'o ithyī tūilyī kūū nthī.

Alomi 14:12

Kwa ūu īndī kīla ūmwe wai-tū akaumya ūvoo wake mbee wa Ngai.

2 Akolintho 5:10

Nūndū ithyī ithyonthe nītū-kaumīlw'a mbee wa kīvīla kya sila kya Klīsto; nī kana kīla mūndū ose maūndū ala meeki-we e nthīnī wa mwīi, kwīana-na na ūndū wekie, o na ethīwa nī ūseo kana ūthūku.

2 Vetelo 2:9

Mwīaīi nīwīsī nzīa ya kūma-vonokya ala mamūkīaa Ngai maume matatwanī, na kwīkalya ala mate alūngalu kūvika mū-thenya wa ūsilīlo masilīlwe.

2 Akolintho 9:15

Ngai natũngĩwe mũvea kwondũ wa mũthĩnzĩo wake ũtaweteka.

Alomi 5:15

Indĩ ũla mũthĩnzĩo ndũilyĩ ta yĩla ivĩtyo. Nũndũ ethĩwa aingĩ makwie nĩ ivĩtyo ya ũmwe, mbee mũno mumo wa Ngai, na ũla mũthĩnzĩo nũndũ wa mumo wa mũndũ o ũmwe, Yesũ Klĩsto, waingĩva kwa aingĩ.

1 Vetelo 5:5b

. . . nĩkwĩthĩwa Ngai nũsiĩaa ala mekwĩnenevya, indĩ amane-ngae mumo ala menyivasya.

Meko ma Atũmwa 4:33

Na atũmwa maumya ũkũsĩ woo wa kũthayũũka kwa mwĩaiĩ Yesũ na vinya mũnene: na mumo mũnene waĩ iũlũ wa onthe.

2 Akolintho 8:9

Nũndũ nĩmũũmanya mumo wa Mwĩaiĩ waitũ Yesũ Klĩsto, kana, o na kau aĩ mũthwii, atw'ika ngya kwondũ wenyu, nĩ kana inyw'ĩ kwondũ wa ũkya wake mũtonye ũtw'ika athwii.

Alomi 9:16

Na kwa ũu ti wa ũla wendaa, kana wa ũla ũsembaa, indĩ nĩ wa Ngai ũla wĩw'iaa tei.

Meko ma Atūmwa 3:19

Alyūlai ngoo, īndī, mwīthyūē, naī syenyu syanangwe, nī kana kūtonye kūka mavinda ma ūvuūkyo kuma ūthyūnī wa Mwīaīi.

Luka 13:3

Nīngūmūtavya, Ti w'o: īndī mwalea kūalyūla ngoo, inyw'onthe mūkaanangīka o ta ūu.

Meko ma Atūmwa 17:30

Īndī mavinda ma ūlea ūmanya, Ngai etw'a ta ūteona; īndī yu e-meaiā andū onthe kūndū kw'onthe maalyūle ngoo.

Luka 15:7

Nīngūmūtavya, ta ūu vakeethī-wa ūtanu ītunī nūndū wa ūmwe mwathe akīalyūla ngoo, kwī a-

la alūngalu mīongo kenda na kenda, ala mate vata wa kūalyūla ngoo.

Mathayo 3:2

Alyūlai ngoo; nūndū ūsumbī wa ītu nī mūthengeeu.

2 Akolintho 7:10

Nūndū woo ūla Ngai wendete ūetae ūalyūlo wa ngoo kūvika ūtangīo, naw'o nī ūalyūlo ūtaetae kwīlila: īndī woo wa nthī ūetae kīkw'ū.

Meko ma Atūmwa 2:38

Na Vetelo amea, Alyūlai ngoo, na mūivatiswa kīla mūndū syī-twanī ya Yesū Klīsto, mwone ūe-keo wa naī syenyu; na mūkoosa mūthīnzīo wa Veva Mūtheu.

Mathayo 6:14

Nūndū ethīwa inyw'ī mūka-
maekea andū mavītyo moo, Ī-
the wenyu wa ĭtunī akamūekea
inyw'ī.

Luka 24:47

Na kana ūalyūlo wa ngoo na
kūekewa naī kūtavanw'e syītwa-
nī yake mbañnī syonthe, kwa-
mbīlīlya Yelusaleme.

Meko ma Atūmwa 5:31

Īndī we Ngai nūmūnenevetye
kw'okonī kwake kwa aūme, e-
thīwe Mūnene na Mūtangīi, a-
manenge Isilaeli ūalyūlo wa
ngoo, na ūekeo wa naī.

Yoana 8:11

Na amwīa, Vai ūmwe, Mwī-
aīi. Na Yesū amwīa, O nakwa
ndiūkūsīlīla: enda; na kuma yu
ndūkaaīke naī ĭngī.

Ūvuan'yo 3:20

Sisya, nīūngeme mūomonī na
kūvingūsyā: ethīwa mūndū o na
wīva akeew'a wasya wakwa na
Kūmbingūia mūomo, ngalika
kwake, na ngaīsanīa nake, na-
ke akaīsanīa nakwa.

Maliko 2:5

Na Yesū oona mūīkīio woo,
amwīa ūla waī na ūwau wa
kwaa mamutha, Mwana, naī
syaku nīsyāekwa.

Akolosai 3:2

Mosūanōo menyu malūme maūndūnī ala me iūlū, na ti maūndūnī ala me nthī.

Yakovo 4:4

Inyw'ī ilaalai, mūiīsī kana ūnyanya wa nthī nī ūmaitha na Ngai? Kwondū wa ūu o ūla ūkwenda kwīthīwa e mūnyanyae wa nthī nūtw'ikīte mūmaitha wa Ngai.

Tito 2:11, 12

Nūndū mumo wa Ngai nīwumīlite, ūkītee andū onthe utang'io, ūkītūmanyīsya atī tūlee maūndū onthe mate ma kūmūkīa Ngai na mawendi onthe ma

nthī, twīkalasye mathayū mai-tū na kīlīko kīanīu na ūlūngalu na kūmūkīa Ngai īvindanī yī tūi.

Aeveso 5:11

Na mūikethīwe na mūamba na mawīa ma kīvindu mate na ūsyao, īndī kavaa nī kūmakana'ya.

1 Yoana 2:15, 16

Mūikamyende nthī, o na syīndū sya nthī. Ethīwa mūndū o na wīva nūnūūmyenda nthī, wendo wa Asa ndwī nthīnī wake. Nīkwīthīwa kīla kī kūū nthī, wendi wa mwīi na wendi wa metho na wīyīan'yo wa thayū, ityuma kwa Asa, īndī nī sya nthī.

Yoana 10:10

Kīng'ei kītyūkaa, ate o kana kyūye, na kūaa, na kwananga: nyie nīnookie kana methīwe na thayū, na īngī methīwe naw'o mwingī.

2 Akolintho 5:17

Na kwa ūu ethīwa mūdū o na wīva e nthīnī wa Klīsto, nī kyūmbe kyeū: maūdū ala makūū nī mavītu; sisyai, nīmatw'ī-kīte meū.

1 Yoana 2:29

Ethīwa nīmwīsī kana we nī mūlūngalu, manyai kana kīla mūdū wīkaa ūlūngalu nūsyaitwe nīwe.

1 Vetelo 1:23

Nūdū mūsyaitwe īngī, na ti kwa mbeū īla yanangīkaa, īndī nī īla ītanangīkaa, ūndū wa ndeto ya Ngai, īla yī thayū na yīkalaa.

1 Yoana 5:18

Nītwīsī kana o mūdū ūla ūsyaitwe nī Ngai ndekaa naī; īndī ūla ūsyaitwe nī Ngai nīwīsūvīaa mwene, na ūla mūthūku ndamūkiita.

Yoana 3:3

Yesū amūsūngīa, amwīa, Nī w'o, nī w'o, nīngūkwīa, Keka mūdū ūsyawa kuma īlū, ndatonya kwona ūsumbī wa Ngai.

**KUKWA KWA NAĪ—KŪTHAYŪKA NTHĪNĪ
WA KLĪSTO**

29

Akalatia 5:24

Na ala ma Klīsto Yesū nīma-
mbīte mwīi vamwe na mīmeo
na mawendi maw'o.

Akolosai 3:1

Ethīwa īndī mwathayūūkiw'e
vamwe na Klīsto, manthai maū-
ndū ala me iūlū, vala Klīsto ūi,
ailyī nthī ngalī ya kw'oko kwa
aūme kwa Ngai.

Aeveso 2:1 na 6

Nake nīwamūthayūūkisyē i-
nyw'i, yīla mwaī akw'ū kwondū
wa mavītyo menu na naī sye-
nyu. . . naitū nthīnī wa Klīsto

Yesū nīwatūthayūūkisyē vamwe
nake, na kūtwikalya nthī vamwe
nake itunī.

1 Vetelo 2:24

Nake mwene akua naī sitū
mwīinī wake mūtīnī iūlū, nī ka-
na ithyī, tūkw'ite kwa naī, twī-
thīwe thayū kwa ūlūngalu; na
kwondū wa makūnwa make nī-
mwavoiw'e.

Alomi 6:2 na 11

Ithyī ala twakwie kwa naī, tū-
kekala vo īngī ata? . . . O ta ūu
nenyu italei ene kwīthīwa mwī
akw'ū kwa naī, īndī mwī thayū
kwa Ngai nthīnī wa Klīsto Yesū.

Akalatia 6:8

Nūndū ūla ūvuīaa mwīi wake, kwa mwīi wake akaketha wana-ngiko; indī ūla ūvuīaa ūla Veva, kwa Veva akaketha thayū ūtathela.

Yoana 3:36

Ūla wītikīlaa ū Mwana e na thayū ūtathela; indī ūla ūtamwītikīlaa Mwana ndakona thayū, indī ūthatu wa Ngai wīkalaa iū-lū wake.

Alomi 6:23

Nūndū ituvi ya naī nī kīkw'ū; indī mūthīnzio wa Ngai nī thayū ūtathela nthīnī wa Klīsto Yesū Mwīaīi waitū.

Yoana 17:3

Na thayū ūtathela nīw'o ūū, nī kana makūmanyē we Ngai ūla wa w'o weka, na ūla wamūtūmie, nake nī Yesū Klīsto.

Yoana 3:14, 15

Na o tondū Mose wokīlilye ūla nzoka weūnī, mūvaka Mwana wa mūndū okīlw'e ta ūu: nī kana o ūla ūmwītikīlaa ethīwe na thayū ūtathela.

Yoana 5:24

Nī w'o, nī w'o nīngūmwīa, Ūla wīw'aa ndeto yakwa, na ūmwītikīlaa ūla wandūmie, e na thayū ūtathela, na ndakalika ūsililonī; indī nūvītite kuma kīkw'ū-nī na kūlika thayūnī.

Alomi 8:16

Ūla Veva mwene akūsīaa vamwe na maveva maitū, kana ithyī twī syana sya Ngai.

1 Yoana 2:3

Na ūndūnī ūū nītwīsī kana nītūmūmanyite, ethīwa nītūkwa-
taa mīao yake.

1 Yoana 4:13

Ūndūnī ūū nītūūmanya kana tūtwiē nthīnī wake nake nthīnī waitū, nūndū nūtūnengete Veva wake.

1 Yoana 3:18, 19

Syana syakwa nini, tūikenda-
ne na ndeto, kana na ūīmī; īndī

twendane na kwīka, na twendane w'o. Kwondū wa ūu nītūūmanya kana twī ma ūla w'o, na nītū-
tonya kūvindīthya ngoo sitū, twī mbee wake.

Yoana 14:21

Ūla wī na mīao yakwa, na ūmīkwataa, ūsu nīwe ūmbende-
te: na ūla ūmbendete akendwa nī Asa, nakwa ngamwenda na ngeeyonan'ya kwake.

Akalatia 4:6

Na kwa kwīthīwa mwī ana, Ngai atūmie Veva wa Mwana wake alike ngoonī sitū, akīta-
naa, akyasya, Nau, Asa.

1 Vetelo 1:8

Ūla mūmwenda o na kau mū-
iaamwona; o na mūtiūmwona yu,
īndī mūkīmwitikīla, mwītana mū-
no na ūtanu ūtaneeneka na wu-
sūitwe nī ndaīa.

Yoana 17:13

Na yu nīngūka kwaku; na
maūndū aa nīneena kūū nthī, nī
kana methīwe na ūtanu wakwa
wusūe nthīnī wamo.

Akalatia 2:20

Nīnambiwe ngelan'yonī vamwe
na Klīsto; na tii nyie nī thayū
īngī, īndī no Klīsto wī thayū nthī-
nī wakwa: na thayū ūū nī naw'o

yu mwīnī nīngwīkala naw'o mū-
kīionī, mūkīio ūla wī nthīnī wa
Mwana wa Ngai, ūla wambendie,
na eenengane kwondū wakwa.

Yoana 15:11

Nīnamūtavya maūndū aa, nī
kana ūtanu wakwa wīthīwe nthī-
nī wenyu, na ūtanu wenyu wīthī-
we wī musūu.

Yoana 16:22 na 24

Nenyu yu mwī na kīmako:
indī ngamwona ingī, na ngoo sye-
nyu ikatana, na ūtanu wenyu
vai mūndū wīmūvena. . . Kūvika
yu mūiaavoya ūndū syītwanī ya-
kwa: voyai, na mūkanengwa, ka-
na ūtanu wenyu wusūe.

Alomi 6:16

Mũĩĩsĩ, kana kwa ũla mwĩ-nenganĩte ene mwĩthĩwe ngombo syake sya kwĩw'a, mwi ngombo syake ũla mũmwĩw'aa; ethĩwa nĩ ũkombo wa naĩ ũetae kĩkw'ũ, kana ethĩwa nĩ ũkombo wa kwĩw'a ũetae ũlũngalu?

2 Athesalonika 1:7-9

Na kũmũnenga inyw'ĩ ala mũthĩnaw'a ũthũmũo vamwe naitũ, ĩvinda yĩla Mwĩaiĩ Yesũ ũkavuanw'a kuma ĩtunĩ vamwe na alaĩka ma vinya wake ũlĩlĩnzĩnĩ wa mwaki, akĩĩvanĩsya kwa ala matamwĩsĩ Ngai, na ala ma-

tawĩw'aa ũvoo mũseo wa Mwĩaiĩ waitũ Yesũ: ala makona ũsililo, naw'o nĩ wanangĩko ũtakathela, kũvetwa ũthyũnĩ wa Mwĩaiĩ na ũtheunĩ mũtisu wa vinya wake.

Ūvuan'yo 22:14

Nĩ aathime ala mathambasya ngũa syoo, nĩ kana methĩwe na ũkũmũ wa kũvika mũtĩnĩ wa thayũ, na mesĩle mbingĩlonĩ malike mũsyĩ.

Alomi 2:13

Nũndũ ti ewi ma ĩla mũao alũngalu mbee wa Ngai, ĩndĩ nĩ eki ma mũao makatalĩlwa ũlũngalu.

1 Yoana 2:23

O ūla ūnūūmūkaia Mwana, ūsu nde na Asa: ūla ūnūūmumbūla Mwana e na Asa nake.

Mathayo 10:32, 33

Kīla mūdū indī ūla wīmbūmbūlaa mbee wa andū, nakwa ngamumbūlaa mbee wa Asa wakwa ūla wī itunī. Indī o ūla wīngaiaa mbee wa andū nakwa ngamūkaiaa mbee wa Asa wakwa ūla wī itunī.

Alomi 10:9, 10

Nīkwīthiwa ethiwa ūkamumbūla Yesū na kanyw'a waku kana nīwe Mwīaī, na ūkeetikīla

ngoonī yaku kana Ngai nīwamūthayūūkisye kūmumya akw'ūnī, ūkatangīwa: nūdū mūdū nīwītīkīlaa na ngoo kūvikīa ūlūngalu; na nīwumbūlaa na kanyw'a kūvikīa ūtangīo.

Luka 9:26

Nūdū o ūla ūkambīw'ia nthoni nyie na ndeto syakwa, nūkw'īwa nthoni nī Mwana wa mūdū, yīla ūkoka ūtheunī wake mūtisu, na wa İthe, na wa alaika atheu.

Avilivi 2:11

Na nī kana kīla ūīmī wīumbūla kana Yesū Klīsto nī Mwīaī, kwa ndaia ya Ngai Asa.

2 Athesalonika 2:9

Ūla kŭka kwake nĩ kwĩanana na kwika kwa Satani na vinya w'onthe na syama na moseng'yo ma ūvũgũ.

1 Vetelo 5:8

Ithĩwai na kīlīko, syaĩsyai: mūvinganĩsya wenyu ndevili a-ngangaa kũũ na kũũ ta mūnyambũ ūkŭluma, aimantha mūndũ aye.

Meko ma Atũmwa 26:18

Kūmasalukya metho moo, nĩ kana methyũũe na kŭkītia kīvi-ndu makyelekele kyeni, na kũeka ūkũmũ wa Satani na ūmwele-kela Ngai, nĩ kana mose ūekeo

wa naĩ, na ūtīiwa vamwe na onthe ala mavathanītw'e kwondũ wa mūikĩio ūla wĩ kwakwa.

Aeveso 6:11

Īkīai mīio yonthe ya kaũ ya Ngai, nĩ kana mūtonye kūsīiia maũ ma Satani.

Mathayo 4:1 na 10, 11

Nīvo Yesũ watongoew'e nĩ Veva weũnĩ nĩ kana atatwe nĩ ndevili. . . Nīvo ĩndĩ Yesũ wamwīie, Thi, Satani: nūndũ nīkũandīkī-twe, Mūthaihae Mwīaĩi Ngai waku, na mūthũkũmae we, e weka. Na ĩndĩ ndevili amūtia, na sisya, alaĩka mooka mamūthũkũma.

2 Athesalonika 2:8

Nivo indī ūla mūng'endu ūkavuanw'a, ūla Mwīāi Yesū wīmūaa na mīthūmū ya kanyw'a wake, na kūmwānanga na ūvuan'yo wa kūka kwake.

1 Yoana 3:8

Ūla wīkaa naī nī wa ndevili; nūndū ndevili atwīe ekaa naī kuma mwambīlilyonī. Kwondū wa ūu Mwana wa Ngai nīwonanīw'e, nī kana anange mawīa ma ndevili.

Aevelania 2:14

Indī nīkwīthīwa syana nīsyosaa mwīi na thakame, we nake

mwene nīwosie o ta ūu; nī kana kwondū wa kīkw'ū amwasye vinya ūla waī na vinya wa kīkw'u, nake nī ndevili.

Yakovo 4:7, 8a

Inyivyei indī kwa Ngai; indī mūsīīei ndevili, nake akamūkīa. Mūthengeei Ngai, nake akamūthengeea inyw'ī. . .

Alomi 8:35 na 37

Nūū ūla witūvathanasya na wendo wa Klīsto? nī monyamao, kana woo, kana thīna, kana yūa, kana ndwīkīwa, kana mūisyo, kana ūvyū? . . . Aiee, maūndūnī asu onthe nītūkīlya vinya mūno kwondū wa ūla watwendie.

Akalatia 5:22, 23a

Indi ūsyao wa Veva ni wendo, ūtanu, mūuo, wūmīsyo, kwika angī nesa, kīthito, ūuu, wīting'o.

1 Yoana 4:20

Ethiwa mūdū easya, Nyie ni-nimwendete Ngai, na emena mwana-a-ithe, ni mūneeni wa ū-vūngū: nūdū ūla ūtamwendaa mwana-a-ithe ūla wonaa, ndatonya kūmwenda Ngai ūla ūtaamwona.

Yoana 13:35

Na kwondū wa ūu andū onthe makamanya kana mwī amanyiw'a makwa, ethiwa mwithiwa na wendo inyw'i kwa inyw'i.

Yoana 21:16

Na amūkūlya ingi ya keli, Simoni, mwana wa Yona, nūmbendete? Amwīa, Ii, Mwīaii; we niwīsi kana ningwendete. Amwīa, Ithya malondu makwa.

1 Akolintho 13:1

O na nganeena na ithyomo sya andū na sya alaika, nakwa ndi na wendo, ndwīkite kindū kī-tuitwe kya ūthuku kīambaa, kana kīla kīkayaa.

1 Yoana 3:14

Nitwīsi kana nitūvītite twauma kīkw'ūni twavota thayūni, ni-kwīthiwa nitūmendaa ana-a-asa. Ūla ūtendanaa atwīe kīkw'ūni.

Meko ma Atŭmwa

10:39-41

Na ithyĩ twĩ ngŭsĩ sya maũndũ asu onthe ala wekie nthĩ ya Ayuti, na Yelusaleme nayo; nake nĩmamũaie makĩmwamba mũtĩnĩ. Mũndũ ũsu Ngai nĩwamũthayũũkisyē mũthenya wa kata-tũ, na amumĩlya onanw'e, ti kwa andũ onthe, ĩndĩ kwa ngŭsĩ ila Ngai wambie ũnyuva, nasyo nĩ ithyĩ, ala twaĩe na kũnyw'a vawe nake ĩtina wa kũthayũũka kwake kuma kwa akw'ũ.

Yoana 20:26-28

Na matukũ nyanya mathela amanyĩw'a make maĩ nyũmbanĩ

nthĩnĩ ĩgnĩ, na Thoma aĩ vawe nao. Na Yesũ ooka, mĩomo ĩ mĩvinge, na aũngama kafĩ wamo, na asya, ĩthĩwai na mũuo. Na ĩndĩ amwĩa Thoma, Ete kyaa kyaku vaa, noiona itaa syakwa; na ete kw'oko kwaku, wikie mbaunĩ kwakwa: na ndũkethĩwe ũtetikĩlĩte, ĩndĩ wĩthĩwe wĩtikĩlĩte. Thoma amũsũngĩa, amwĩa, Mwĩaĩi wakwa na Ngai wakwa!

Maliko 16:9

Na Yesũ athayũũka kĩoko tene, mũthenya wa mbee wa kyumwa, amba ũmumĩlĩla Meli Makatalene, ũla waumiw'e nĩwe ndaimoni mũonza.

Alomi 1:4

Ūla watavaniw'e kwĩthĩwa nĩ Mwana wa Ngai na vinya, kwo-ndũ wa veva wa ūtheu, nĩ kũthayũkw'a kuma kwa akw'ũ; Yesũ Klĩsto Mwĩaiĩ waitũ.

Alomi 6:3-5

Kana mũĩisĩ, ithyonthe ala twavatisiwe kũlikwa nthĩnĩ wa Klĩsto Yesũ, nĩtwavatisiwe kũlikwa nthĩnĩ wa kĩkw'ũ kyake? Twathikiwe ĩndĩ vamwe nake na nzĩa ya ūvatiso nthĩnĩ wa kĩkw'ũ kyake: nĩ kana o tondũ Klĩsto wathayũũkiw'e kuma kwa akw'ũ nũndũ wa ndaia ya ĩthe, naitũ no ta ūu tũkinyae na tha-

yũ mweũ. Nũndũ ethĩwa tũkwatanĩtw'e nake mũvw'anilenĩ wa kĩkw'ũ kyake, tũkeethĩwa o ta ūu mũvw'anilenĩ wa ūthayũũkyo wake.

Yoana 5:25 na 28, 29

Nĩ w'o, nĩ w'o, nĩngũmwĩa, Saa nĩwũkĩte, o na yu nĩ mũviku, yĩla akw'ũ makew'a wasya wa Mwana wa Ngai; na ala mekwĩw'a makeethĩwa na thayũ. . . Mũikaseng'e kwondũ wa ūu: nũndũ saa nĩwũkĩte, yĩla onthe ala me mbũanĩ makew'a wasya wake, namo makauma; ala meekie moseo, kwa ūthayũũkyo wa thayũ; na ala meekie mothũku, kwa ūthayũũkyo wa ūsililo.

Luka 1:74, 75

Kana, twavonoka mokonĩ ma amaitha maitũ, akatũnenga ithyĩ Kũmũthũkũma tũte na w'ia, Twĩ na ūtheu na ūlũngalu kwake mĩthenya yaitũ yonthe.

2 Akolintho 7:1

Kwondũ wa kwĩthĩwa twĩ na matho aa, endwa, twĩthesye ene ūvuku w'onthe wa mwĩĩ na wa ngoo, tũkĩanĩsya ūtheu nthĩnĩ wa kũmũkĩa Ngai.

2 Timotheo 2:21

Ethĩwa ĩndĩ mũndũ etheasya kwa asu, akeethĩwa e mũio wa kwona ndaĩa, ūvathĩwe ethĩwe mũtheu, waĩle wĩa wa Mwĩaĩ, ūseũvĩtw'e kwa kĩa wĩa mũseo.

1 Vetelo 1:15

Īndĩ o tondũ ūla wamwĩtie nĩ mũtheu, o ta ūu ĩthĩwai atheu mwĩkalilenĩ wenyu w'onthe wa thayũ.

1 Vetelo 1:2

Kwĩanana na ūndũ Ngai Asa wamanyie kuma tene, kwondũ wa kũvathanw'a nĩ Veva kwĩthĩwe atheu kũvika kwĩw'a na kũminzangĩw'a nthakame ya Yesũ Klĩsto: Mumo nĩwĩthĩwe nenyu na mũuo nĩwingĩvw'e.

Aevelania 12:14

Manthai kwĩthĩwa na mũuo na andũ onthe, na kũvathwa mwĩthĩwe atheu kũla mũndũ ate na kw'o ndakamwona Mwĩaĩ.

Aevelania 13:12

Kwondū wa ūu Yesū nake, nī kana avathan'ye andū na nthakame yake mwene methiwe atheu, nīwanyamaie ngalī ya nza ya mbingilo.

1 Yoana 1:9

Ethiwa nītūkumbūla naī sitū, we e kīthito, na nī mūlūngalu wa utūekea naī sitū, na kūtūthesya ūndū ūte ūlūngalu w'onthe.

Mathayo 3:11

Nī w'o nyie nīmūvatisaa na manzi kūvikīa ūalyūlo wa ngoo: īndī ūla wūkīte ītina wakwa e na vinya kwī nyie, o na ndyīanīwe nī ūkua iatū syake: ūsu aka-

mūvatisaa na Veva Mūtheu na mwaki.

2 Vetelo 3:11

Nīkwīthīwa syīndū isu syonthe nīkanyaīkw'a ūu, inyw'i mwaile kwīthīwa andū mailyī ata mwīkalīlenī mūtheu wa thayū na kūmūkīa Ngai.

Aeveso 4:24

Na mwīvw'ike mūndū mweū, ūla wombiwe na mūvw'ano wa Ngai nthīni wa ūlūngalu na ūtheu wa w'o.

Aeveso 1:4

O ūndū watūnyuvie nthīnī wake nthī ītanambīlīw'a, nī kana twīthīwe atheu tūte na ūndū ūtaile mbee wake nthīnī wa wendo.

Alomi 8:9

Īndī inyw'ī mūi ma mwīi, īndī mwī ma Veva, ethīwa nī w'ō kana Veva wa Ngai atwīe nthīnī wenyu. Īndī ethīwa mūdū o na wīva nde na Veva wa Klīsto, ūsu ti wake nongi.

Luka 11:13

Ethīwa inyw'ī īndī, ala mwī athūku, nīmwīsī kūnenga syana syenyu mīthīnzīo mīseo, ti mbee mūno Īthe wenyu ūla wa itunī kūmanenga Veva Mūtheu ala mawītasya?

Meko ma Atūmwa 7:55

Īndī ausūitwe nī Veva Mūtheu, ang'elela aketee itūnī, na oona ū-

theu mūtisu wa Ngai, na Yesū aūgeme ngalī ya kw'oko kwa aūme kwa Ngai.

Meko ma Atūmwa 1:8a

Īndī mūkoosa vinya, yīla Veva Mūtheu wīuka īlū wenyu: na mūkeethīwa mwī ngūsī syakwa. . .

Meko ma Atūmwa 11:24

Nīkwīthīwa we aī mūdū mūseo, na kusūwa nī Veva Mūtheu na mūikīio. Na andū aingī mongeleka ngalī ya Mwīaīi.

Meko ma Atūmwa 4:31

Na mavoya, vala moombanīte vathingithangw'a; nao mausūwa onthe nī Veva Mūtheu, na manena ndeto ya Ngai na ūnyiau.

Mathayo 28:20b

. . . Na sisyai, nyie nĩ vamwe nenyu mĩthenya yonthe, kũvika wĩaniũ wa ivinda yĩ.

Maliko 9:23

Na Yesũ amwĩa, Ethĩwa we nũtonya! Maũndũ onthe nĩmato-nyeka kwa ūla ūnũkũikĩia.

Aevelania 12:7

Nĩ kwondũ wa kũsililwa mũmĩasya; Ngai amwĩkaa ta ana; nũndũ nĩ mwana wĩva ūla ūtasililawa nĩ ithe?

1 Vetelo 4:12, 13

Endwa, mũikone ta ūndũ wa ūseng'ya ūtatwa ūilyĩ ta mwaki

ũla wĩ kwenyu, ūla ūmũvikĩaa ūmũtate, ta ūndũ weu wamũkwa-ta: ĩndĩ o ūndũ mwĩ osi ma ma-thĩna ma Klĩsto, tanai; nĩ kana mũtane ūtanu mũnene mũno ĩvinda ya ūvuan'yo wa ūtheu wake mũtisu.

Ūvuan'yo 21:4

Na akavyaĩa methoi onthe methonĩ moo; na kĩkw'ũ kĩikethĩwa vo ĩngĩ; o na kũikethĩwa ĩngĩ kũmeta, kana kũĩa, kana woo: maũndũ ma mbee nĩ mavĩtu.

Mathayo 6:33

Īndĩ ambai ūmantha ūsumbĩ wake, na ūlũngalu wake; na isu syonthe nĩmũkongeleelwa.

Aevelania 2:18

Nikwĩthĩwa we mwene nĩwa-thĩniw'e aitatwa, nũtonya kũma-tetheesya ala matatawa.

Alomi 16:20a

Na Ngai wa mũuo akamũtu-
mba Satani ungu wa nyaĩĩ syenyu
mĩtũkĩ. . .

2 Akolintho 4:17

Nũndũ thĩna ũũ witũ mũvũthũ,
ũla wa kavinda kanini, nũtetha-
sya wĩa mbee na mbee mũno wa
utũetee ũtaĩo ũtathimĩka wa te-
ne na tene.

1 Akolintho 10:13

Mũtyaakwatwa inyw'ĩ nĩ mata-
twa ate o ala mũndũ ũtonya kũ-

momĩĩsya: ĩndĩ Ngai e kĩthito, na
ndakamũeka mũtatwe kũvĩtũka
vinya wenyu; ĩndĩ vamwe na kũ-
tatwa akamantha nzĩa ya kũtho-
noka, nĩ kana mũtonye kũmo-
mĩĩsya.

Alomi 8:28

Naitũ nĩtwĩsĩ maũndũ onthe
mekaa vamwe na kũete moseo
kwa ala mamwendaa Ngai, kwa
ala meetiwe kwĩanana na kwenda
kwake.

Yakovo 1:12

Nĩ mũathime mũndũ ũla wũ-
mĩĩasya matatwa; nũndũ eetĩkĩ-
lwa, akanengwa ngovia ya ũsu-
mbĩ ya thayũ, ĩla Mwĩĩĩ wama-
thie ala mamwendaa.

Ūvuan'yo 3:21

Ūla ūkīlasya, ngamūnenga kwī-kala vamwe nakwa kīvīlanī kya-kwa kya ūsumbī, o ūndū nakwa nakīlilye, na kwīkala vamwe na Asa wakwa kīvīlanī kyake kya ūsumbī.

Ūvuan'yo 3:5

Ūla ūkīlasya, o ta ūu akavw'i-kwa ngūa nzaū; na ndikananga nongi syītwa yake īvukunī ya tha-yū, na ngayumbūla syītwa yake mbee wa Asa wakwa, na mbee wa alaika make.

Ūvuan'yo 3:12

Ūla ūkīlasya, ngamūtw'a kī-tuī īkalūnī ya Ngai wakwa, na ndakaumaala īngī nongi: na ngaa-

ndika īlūlū wake syītwa ya Ngai wakwa, na syītwa ya mūsyī wa Ngai wakwa, ūla Yelusaleme mweū, ūla ūtheeaa kuma itunī kwa Ngai wakwa, na ngaandika īlūlū wake syītwa yakwa mwene yīla yeū.

Ūvuan'yo 21:7

Ūla ūkīlasya akatīwa maūndū asu; nakwa ngeethīwa Ngai wa-ke, nake akeethīwa mwana wa-kwa.

Ūvuan'yo 2:7

Ūla wī na kūtū, nīew'e ūndū Veva ūnūūtavya makanisa. Ūla ūkīlasya, ngamūnenga we aye ū-syao wa mūtī wa thayū, ūla wī mūūndanī wa Ngai.

46 NGAI NŪNEENAA NAITU ĪŪLŪ WAKŪTAAŪSYA

Mathayo 5:32

Īndī nyie ningumwia, kana kīla mūndū ūekaa mūka wake, ate o kwondū wa ūlaalai, nūnūmūtw'ikīthya kīlaalai: na o ūla wīmūtwaā ūsu ūeketwe nūnūūlaalaa.

Alomi 7:2, 3

Nūndū mūndū mūka ūla wī na mūūme nīwovetwe nī mīao kwa mūūme īvinda yīla mūūme wī thayū; īndī ethīwa mūūme akakw'a, nīwathaw'a kuma mwīaonī wa mūūme. O ta ūu ethīwa īvinda yīla mūūme wī thayū, akatwawa nī mūndū ūngī, akeetwa kīlaalai: indī ethīwa mūūme nī-

wakw'a, nūthaitw'e mwīaonī, nake we ti kīlaalai, o na atwawa nī mūndū ūngī.

Luka 16:18

O ūla ūekaa mūka wake, na aitwaa ūngī, nūnūūlaalaa: na o ūla wīmūtwaā ūsu ūeketwe nī mūūme nūnūūlaalaa.

1 Akolintho 7:10, 11

Īndī kwa ala matwaanīte nīngwīaa, o na tii nyie, īndī nī Mwīaīi, kana mūndū mūka ndakamūlee mūūme, (īndī ethīwa nūnūūthi, nīeyīkalye ate mūtwaē, kana ethīwa ti ūu, ew'ane na mūūme wake;) na mūūme ndakamūlee mūka wake.

Yakovo 5:8

Inyw'ī nenyu ūmīisyai; lūlū-mīlyai ngoo syenyu: nūndū kūka kwa Mwīaīi kwī vakuvī.

Mathayo 24:27

Nūndū o ūndū ūtisi ūtisaa wu-mīlonī wa syūa, nokyoneka kūvika ūthūilonī; no ta ūu kūke-ethīwa kūka kwa Mwana wa mūndū.

Maliko 8:38

Nūndū o ūla ūkambīw'īa ntho-ni nyie kana ndeto syakwa ūsyao-nī ūū wa ūlaalai na wa naī, nake Mwana wa mūndū nūkamwīw'īa nthoni, yīla ūkoka ūtheunī mū-tisu wa ūthe wake vamwe na alaīka atheu.

Ūvuan'yo 3:11

Ngooka mītūkī: lūmya ūla wī naw'o, nī kana mūndū o na wī-va ndakose ngovia yaku ya ūsumbī.

Mathayo 24:30

Na īndī kūkyoneka wonan'yo wa Mwana wa mūndū ītunī: na īndī mbaī syonthe sya nthī ika-meta, na makoona Mwana wa mūndū okīte īlūlū wa mathweo ma ītu na vinya an ūtheu mūnene mūtisu.

Yoana 14:3

Nakwa nathi ūmūseūvīsyā vāndū, ngooka īngī, na ngamwosa inyw'ī mwīthīwe kwakwa; nī kana vala nī, nenyu mwīthīwe vo.

Luka 21:27

Īvinda yīu nīmakamwona Mwana wa mūdū okite ĩthweonĩ na vinya na ūtheu mūnene mūtisu.

1 Yoana 3:2

Endwa, yu twĩ syana sya Ngai, na ndūnamba kwonanw'a ūndū tūkethīwa tūilyĩ. Nītwīsĩ kana, yīla wīonanw'a, tūkavw'anana nake; nūdū tūkamwona we o ūndū ūilyĩ.

Ūvuan'yo 16:15

Sisya, nīuka ta kīng'ei. Nĩ mūathime ūla ūsyañiasya na kūsūvĩa ngūa syake, ndakathi e mūthei, na makona nthoni syake.

Meko ma Atūmwa 1:11

Nao masya, Inyw'ĩ andū ma Kalilii, nĩkĩ mūkūngama mūkīsisya ĩtunĩ? Yesū ūsu, ūla woswa ĩlū ĩtunĩ kuma vala mūĩ, akooka o ta ūu, o ūndū mwamwona aithi ĩtunĩ.

Luka 12:40

Nenyu ĩkalai mwiyūmbanītye: nīkwīthīwa Mwana wa mūdū akooka saa ūla mūtatañe.

Mathayo 16:27

Nūdū Mwana wa mūdū akooka ūtheunĩ mūtisu wa ĩthe wake vamwe na alaika make; na ĩvinda yīu akamūiva kīla mūdū kwīanana na kwīka kwake.

NDETO SYA NGAJ

2 Vetelo 1:21

Nūndū wathani o na wīva ndwaaetwe nī kwenda kwa mūndū: īndī andū maneenie ndeto syaumie kwa Ngai, maitongoew'a nī Veva Mūtheu.

Yoana 6:63

Nī veva ūla ūnengae thayū; mwīī ndūtandīthya kīndū: ndeto ila nīneenete nenyu nīsyō veva, na nīsyō thayū.

Aevelania 4:12

Nīkwīthīwa ndeto ya Ngai ī thayū, na nī nthangaau, na nī mbūī kwī ūvyū ūla mūī ngalī syelī, nayo ītonyaa kūvika kūaan'ya thayū na veva, na malee-

nyū na mūthungo, na ī mītūkī ya kūmanya mosūanio na kwenda kwa ngoo.

Mathayo 22:29

Īndī Yesū asūngīa na amea, Nīmūkūvītya, nīkwīthīwa mūtyī-sī maandīko, o na vinya wa Ngai.

Luka 21:33

Ītu na nthī nikavīta: īndī ndeto syakwa itikavīta.

2 Timotheo 3:16

Kīla Ūandīko nīwaveveewe nī Ngai, naw'o nīwaīle wa kūmanyīsyā, na kūkīīthya andū mavītyo, na kūmatūngīa, na kūsilīla kwa ūlūngalu.

Text reprinted from the Bible in Kikamba by permission of United Bible Societies Africa Regional Centre, Nairobi, Kenya.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

1-24



Read booklets online or by App
www.wmp-readonline.org

132 Kikamba HFA